

სსიპ მეწარმეობის განვითარების სააგენტო

სატენდერო დოკუმენტაცია

ავტოსატრანსპორტო საშუალებების (CPV-34100000)
სახელმწიფო შესყიდვა
გამარტივებული ელექტრონული ტენდერის საშუალებით

2014 წელი
თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - რეკვიზიტები.
5. დანართი №2 - ფასების ცხრილი.
6. დანართი №3 - აფიდავიტის საილუსტრაციო ფორმა.

1. ინსტრუქცია ტენდერში მონაწილეთათვის

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონული სისტემაში (შემდგომში - სისტემა);
- 1.2. სახელმწიფო შესყიდვების ერთიან ელექტრონულ სისტემასი შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.4. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად;
- 1.5. პრეტენდენტს არ აქვს უფლება წარმოადგინოს ალტერნატიული წინადადება;
- 1.6. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით. შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში, საკონტაქტო პირი: ოთარ ფერაძე - ტელ. 577 502 802;
ელექტრონული ფოსტა: operadze@enterprise.gov.ge

2. ტექნიკური დოკუმენტაცია

2.1. შესყიდვის ობიექტი:

2.1.1. წინამდებარე სატენდერო დოკუმენტაცია ითვალისწინებს მსუბუქი ავტომობილების (თანმდევი საგარანტიო პირობების ფარგლებში გეგმიური ფასიანი მომსახურებებით) შესყიდვას.

2.1.2. შესყიდვის ობიექტის რაოდენობაა - ორი (ერთეული).

2.1.3. შესყიდვის საორიენტაციო ღირებულებაა - **57090** (ორმოცდაჩვიდმეტი ათას ოთხმოცდაათი) ლარი. წარმოდგენილი სავარაუდო ღირებულება არის მაქსიმუმი, შესაბამისად, დაუშვებელია მასზე მაღალი მაჩვენებლის დაფიქსირება, ტენდერში მონაწილე პრეტენდენტის მიერ.

2.1.4. მსუბუქი ავტომობილის ტექნიკური მახასიათებლებია:

ძრავის მოცულობა არანაკლებ	1.2
ცხენის ძალა არანაკლებ	77
გადაცემათა კოლოფი	მექანიკური, არანაკლებ 5 საფეხურიანი
სიგრძე არანაკლებ	3850
სიგანე არანაკლებ	1695
სიმაღლე არანაკლებ	1455
წვა 100 კმ/ზე არა უმეტეს	8 ლიტრი
საგარანტიო პირობები	5 წელი ძირითად აგრეგატებზე (ძრავი, ხიდი, გადაცემათა კოლოფი) 3 წელი ან 150000 კილომეტრი სრულ ავტომანქანაზე, რომელიც ადრე შესრულდება.
უსაფრთხოების დამადასტურებელი დოკუმენტი	NCAP (ევრო ქრაშ ტესტი) ან IIHS (ამერიკული ქრაშ ტესტი)
ელექტრო შუშები	მინიმუმ წინა ორი
აუცილებელი მოთხოვნა	სათადარიგო საბურავი
აუცილებელი მოთხოვნა	წინა 2 უსაფრთხოების ბალიში
აუცილებელი მოთხოვნა	კონდიციონერი
აუცილებელი მოთხოვნა	აუდიო სისტემა, უკანა საქარე მინის ელ. გათბობა
აუცილებელი მოთხოვნა	საჭის გამაძლიერებელი
აუცილებელი მოთხოვნა	ABS

2.2. ანგარიშსწორების პირობები:

2.2.1. სატენდერო წინადადების ფასი გამოსახული უნდა იყოს შესყიდვის ობიექტის მიწოდებასთან დაკავშირებული საქართველოს კანონმდებლობით გათვალისწინებული ყველა გადასახადის გათვალისწინებით, რომელიც მოიცავს, როგორც ავტომანქანების აქციზის ღირებულებას, ასევე გარანტიით გათვალისწინებული ფასიანი მომსახურებების დამატებითი ღირებულების გადასახადს და ავტოსატრანსპორტო საშუალებების შემსყიდველზე გადაფორმების ხარჯებს. ასევე, ავტომობილების თანმდევი საგარანტიო პირობების ფარგლებში გეგმიური ფასიანი მომსახურებების ღირებულებას 100000 კმ. გარბენზე და ავტომობილის მიერ 100000 კმ-ზე მოხმარებული საწვავის პირობით ღირებულებას.

2.2.2. 1 (ერთი) ერთეული ავტომანქანის საორიენტაციო ღირებულება მოიცავს შემდეგ კომპონენტებს:

ა) ავტომობილის ღირებულებას.

ბ) თანმდევი საგარანტიო პირობების ფარგლებში გეგმიური ფასიანი მომსახურების ღირებულებას, - რომელიც წინამდებარე სატენდერო დოკუმენტაციის დანართ №2-ში წარმოდგენილია ცხრილის სახით და გაანგარიშებულია 100000 კმ გარბენზე.

გ) ავტომობილის მიერ მოხმარებული საწვავის ხარჯი (100000კმ), რომელიც დაანგარიშებულია მწარმოებლის მიერ წარმოდგენილი ოფიციალური საპასპორტო წვის მაჩვენებლისა (რომელიც უნდა ემთხვეოდეს მწარმოებლის ოფიციალურ ვებ-გვერდზე შესაბამისი სპეციფიკაციის მონაცემებს) და ერთი ლიტრი საწვავის პირობითი ფასის - „1“-ის ნამრავლი 100000 კმ-ზე და მისი გადახდა მიმწოდებლისთვის არ ხორციელდება. თუ ავტოსატრანსპორტო საშუალების საწვავის წვის საპასპორტო მაჩვენებელი 100 კმ-ზე პირობითად წარმოადგენს 6 (ექვსი) ლიტრს, მისი დაანგარიშება 100000 კმ-ზე განხორციელდება შემდეგნაირად: $100000/100*6=6000$.

2.2.3. ანგარიშსწორება მოხდება უნაღდო ანგარიშსწორებით, ლარში.

2.2.4 ავტომანქანის ღირებულების ანგარიშსწორება განხორციელდება მიმწოდებლის მიერ წარმოდგენილი სასაქონლო ზედნადების წარმოდგენიდან და მიღება-ჩაბარების აქტის გაფორმებიდან 20 სამუშაო დღეში.

2.2.5. თანმდევი საგარანტიო პირობების ფარგლებში გეგმიური ფასიანი მომსახურების ანგარიშსწორება მოხდება გაწეული მომსახურების მიხედვით, ყოველჯერზე გაწეული მომსახურების შემდეგ მიღება-ჩაბარების აქტის გაფორმებისა და შესაბამისი საგადასახადო დოკუმენტაციის წარმოდგენის საფუძველზე 20 კალენდარული დღის განმავლობაში.

2.2.6. გამარჯვებული პრეტენდენტის მიერ ამ გამარტივებული ელექტრონული ტენდერის ფარგლებში სატენდერო დოკუმენტაციის დანართი N2-ის სახით წარმოდგენილი ავტომობილის თანმდევი საგარანტიო პირობების ფარგლებში გეგმიური ფასიანი მომსახურების ფასები ძალაში უნდა იყოს საგარანტიო პირობის ამოწურვამდე ფლობის განმავლობაში, თუ ავტომობილის ტექნიკური მომსახურება განხორციელდება გამარჯვებულ პრეტენდენტთან; საგარანტიო პერიოდის განმავლობაში გამარჯვებული პრეტენდენტის მიერ შემოთავაზებული საგარანტიო სერვისით გათვალისწინებული საქონლის ფასი შეიძლება დაკონვერტირდეს ელექტრონული ვაჭრობის დღისათვის ფიქსირებული ეროვნული ბანკის კურსით უცხოურ ვალუტაში, ხოლო ანგარიშსწორებისას ეროვნულ ვალუტაში - საქონლის ფაქტიური მიწოდების დღის ეროვნული ბანკის მიერ დადგენილი გაცვლითი კურსით.

2.2.7. დაფინანსების წყარო: სახელმწიფო ბიუჯეტი.

2.2.8. საავანსო ანგარიშსწორება არ გამოიყენება.

2.3. საქონლის მიწოდების ვადები და ადგილი:

2.3.1. საქონლის მიწოდება და შემსყიდველზე გადაფორმება უნდა განხორციელდეს ხელშეკრულების ძალაში შესვლიდან არაუგვიანეს 90 (ოთხმოცდაათი) კალენდარული დღის განმავლობაში.

2.3.2. საგარანტიო, გეგმიური ფასიანი მომსახურების მიწოდება განხორციელდება გამარჯვებული პრეტენდენტის მიერ მითითებულ სერვის ცენტრებში.

2.3.3. თანმდევი საგარანტიო პირობების ფარგლებში გეგმიური ფასიანი მომსახურების მიწოდება უნდა მოხდეს სატენდერო დოკუმენტაციის დანართი №2-ით წარმოდგენილი ცხრილით განსაზღვრული კილომეტრაჟის მიხედვით.

2.3.4. მიმწოდებელმა გეგმიური მომსახურების ჩატარება უნდა უზრუნველყოს მოთხოვნის დაფიქსირებიდან არაუგვიანეს 2 (ორი) სამუშაო დღის განმავლობაში.

2.4. პრეტენდენტის მიერ სისტემაში ასატვირთი მონაცემები:

2.4.1. რეკვიზიტები დანართი №1-ის შესაბამისად;

2.4.2. ფასების ცხრილი დანართი №2-ის შესაბამისად;

2.4.3. შემოთავაზებული საქონლის ტექნიკური და ხარისხობრივი მონაცემების სრული აღწერილობა სატენდერო დოკუმენტაციის ტექნიკური დავალების 2.1.4. პუნქტის მოთხოვნათა შესაბამისად და ამასთანავე სასაქონლო მარკის, მწარმოებელი ქვეყნის და საგარანტიო ვადის მითითებით;

2.4.4. მოსაწოდებელი ავტომობილების მწარმოებლის მიერ გაცემული საპასპორტო მონაცემები (წვის მონაცემები და ტექნიკური მახასიათებლები).

2.4.5. ქ. თბილისში სერვის ცენტრ(ებ)ის მდებარეობის შესახებ ინფორმაცია, სადაც უნდა განხორციელდეს გეგმიური ფასიანი მომსახურება თანმდევი საგარანტიო პირობების ფარგლებში.

2.4.6. ინფორმაცია პრეტენდენტის ბაზარზე მინიმუმ 1 წლიანი საქმიანობის შესახებ.

ელექტრონული ვაჭრობა განხორციელდება სატენდერო დოკუმენტაციაში ფიქსირებულ ჯამურ საორიენტაციო ღირებულებაზე ფასის კლების პრინციპით. შემსყიდველის მიერ სატენდერო დოკუმენტაციაში წარმოდგენილ ჯამურ საორიენტაციო ღირებულებასა და ვაჭრობის შედეგად დაფიქსირებულ საბოლოო ფასს შორის სხვაობა პროპორციულად უნდა აისახოს ჯამური ღირებულების შემადგენელ თითოეული კომპონენტზე (გარდა საწვავის წვის მაჩვენებლისა, რომელიც უნდა შეესაბამებოდეს მწარმოებლის მიერ ოფიციალურად დადგენილ წვის რაოდენობრივ პარამეტრს).

პრეტენდენტის მიერ წარმოდგენილი სატენდერო წინადადების ფასის წარმოდგენა დასაშვებია მხოლოდ ლარში.

პრეტენდენტი უნდა აკმაყოფილებდეს შემდეგ მოთხოვნებს:

ა) ბაზარზე საქმიანობის მინიმუმ 1 წლიანი გამოცდილება,

ბ) არანაკლებ ერთი სერვის ცენტრი ქ. თბილისში.

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

მსუბუქი ავტომობილი - თანმდევი საგარანტიო პირობების ფარგლებში გეგმიური ფასიანი მომსახურებებით
რაოდენობა: 2 (ორი) ერთეული

ფასების ცხრილი

შესყიდვის ობიექტი	ავტომობილი მარკა და მოდელი	რაოდენობა (ცალი)	ერთეული ავტოსატრანსპორტო საშუალების ღირებულება	ერთეული ავტოსატრანსპორტო საშუალების საგარანტიო ფასიანი მომსახურება	ერთეული ავტოსატრანსპორტო საშუალების მოხმარებული საწვავის ღირებულება (100000 კმ-ზე)	ერთეული საერთო ღირებულება	ჯამური ღირებულება
მსუბუქი ავტომობილები თანმდევი საგარანტიო პირობების ფარგლებში გეგმიური ფასიანი მომსახურებებით		2					

თანმდევრ საგარანტიო მომსახურების ფასების ცხრილი

№	დასახელება	საქონლის ერთეულის ფასი	მომსახურების ერთეული ფასი	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	გარბენი (კმ)	ჯამი
1	ძრავის ზეთი														
2	ზეთის ფილტრი														
3	ჰაერის ფილტრი														
4	წინა სამუხრუჭე ხუნდი														
5	უკანა სამუხრუჭე ხუნდი														
6	სალონის ფილტრი														
7	ანთების სანთელი														
8	ძრავის ღვედი														
	სულ ჯამი														

უფლებამოსილი პირი (თანამდებობა, სახელი/გვარი) _____

ხელმოწერა, ბეჭედი

ხელშეკრულება №
სახელმწიფო შესყიდვის შესახებ
გამარტივებული ელექტრონული ტენდერი (CPV-34110000)

ქ. თბილისი

2014 წელი

სსიპ მეწარმეობის განვითარების სააგენტო შემდგომში წოდებული „შემსყიდველად“, წარმოდგენილი „----“ სახით და „-----“, შემდგომში წოდებული „მიმწოდებლად“, წარმოდგენილი „-----“ სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ - ხელშეკრულების მე-2 მუხლით გათვალისწინებული საქონელი.
- 1.7 „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია 2 (ორი) ერთეული მსუბუქი ავტომობილების (თანმდევი საგარანტიო პირობების ფარგლებში გეგმიური ფასიანი მომსახურებებით) შესყიდვა (CPV-34110000).

3. ხელშეკრულების ღირებულება

3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №2) შესაბამისად და შეადგენს ----- ლარს.

3.2 ხელშეკრულების ღირებულება მოიცავს, როგორც საქონლის ღირებულებას, ასევე, ავტომობილების თანმდევი საგარანტიო პირობების ფარგლებში გეგმიური ფასიანი მომსახურებების ღირებულებას 100000 კმ. გარბენზე და წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს (ავტომანქანების აქციზის ღირებულებას; გარანტიით გათვალისწინებული ფასიანი მომსახურებების დამატებითი ღირებულების გადასახადს; ავტოსატრანსპორტო საშუალებების შემსყიდველზე გადაფორმების ხარჯებს) და საქართველოს კანონმდებლობით გათვალისწინებულ ყველა სხვა გადასახადს..

4. მხარეთა ვალდებულებები

4.1. მიმწოდებელი ვალდებულია:

ა) განახორციელოს საქონლის მიწოდება და შემსყიდველზე გადაფორმება ხელშეკრულების ძალაში შესვლიდან არაუგვიანეს 90 (ოთხმოცდაათი) დღის განმავლობაში. საქონლის მიწოდების ადგილია: ქ. თბილისი.

ბ) თანმდევი საგარანტიო პირობების ფარგლებში გეგმიური ფასიანი მომსახურების მიწოდება უნდა მოხდეს ხელშეკრულების დანართი №2-ით წარმოდგენილი ცხრილით განსაზღვრული კილომეტრაჟის მიხედვით.

გ) საგარანტიო, გეგმიური ფასიანი მომსახურების მოწოდება განხორციელდება გამარჯვებული პრეტენდენტის მიერ მითითებულ სერვის ცენტრ(ებ)ში.

დ) მიმწოდებელმა გეგმიური მომსახურების ჩატარება უნდა უზრუნველყოს მოთხოვნის დაფიქსირებიდან არაუგვიანეს 2 (ორი) სამუშაო დღის განმავლობაში.

ე) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;

ვ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2 ინსპექტირება განახორციელდება შემსყიდველის წარმომადგენელი უფლებამოსილი პირის/პირების მიერ.

5.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

5.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია არაუგვიანეს 10 (ათი) სამუშაო დღეში უზრუნველყოს წუნის აღმოფხვრა წუნდებული საქონლის ახალი საქონლით ჩანაცვლებით.

6. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო: სახელმწიფო ბიუჯეტი

7.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიმწოდებლის მიერ წარმოდგენილი სასაქონლო ზედნადების წარმოდგენიდან და მიღება-ჩაბარების აქტის გაფორმებიდან 20 სამუშაო დღეში.

7.3 თანმდევი საგარანტიო პირობების ფარგლებში გეგმიური ფასიანი მომსახურების ანგარიშსწორება მოხდება გაწეული მომსახურების მიხედვით, ყოველჯერზე გაწეული მომსახურების შემდეგ მიღება-ჩაბარების აქტის გაფორმებისა და შესაბამისი საგადასახადო დოკუმენტაციის წარმოდგენის საფუძველზე 20 კალენდარული დღის განმავლობაში.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით.

9.2 წინამდებარე ხელშეკრულების 5.4 პუნქტით განსაზღვრული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე წუნდებული საქონლის ღირებულების 0.5%-ის ოდენობით.

9.3 წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.5%-ის ოდენობით.

9.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

9.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

11.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

12. ხელშეკრულების შეწყვეტა

12.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს ----- წლის ----- ჩათვლით.

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი

ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

14.3. მხარემ, რომელსაც შეეძენა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, მიმწოდებელს და შემსყიდველს გადაეცემა თითო-თითო ეგზემპლარი.

16. მხარეთა რეკვიზიტები:

შემსყიდველი

სსიპ მეწარმეობის განვითარების სააგენტო

წარმოდგენილი

----- სახით,

მისამართი: თბილისი, მარჯანიშვილის #5/ 16-18

ტელეფონი: 299-10-30

საბანკო რეკვიზიტები:,

სახელმწიფო ხაზინა

ბანკის კოდი: TRESGE22, ანგ. #200122900

ს/კ - 204582763

მიმწოდებელი

წარმოდგენილი

----- სახით,

მისამართი: -----

ტელეფონი: -----

საბანკო რეკვიზიტები: -----

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.